

D2U 365 BRASSBAND ÷ A PROMOVE ARUBA GRANDIOSAMENTE NA NEW ORLEANS..

...Number di ARUBA tabata zona di skina pa skina..

S** in duda cu henter pueblo di ARUBA por ta sumamente orguyoso di e viahe promocional cu e popular brassband D2U 365 a realiza recientemente na e famoso ciudad di merca cu ta NEW ORLEANS.

E viahe aki cu tabatin un solo meta pa promove ARUBA na New Orleans a resulta tambe den un exito grandi, ya cu esaki a tuma lugar net den e siman di e mundialmente famoso deporte di SUPER BOWL, cual deporte ta ser considera como esun mas popular na Merca.

Pa e gran final aki e ciudad di New Orleans a ricibi bishita di miles di fanaticonan di tur parti di Merca. Esaki tambe a trese un ambiente increible durante e dianan di Super Bowl den e cayanan di New Orleans. Un di e cayanan cu tabata mas bishita tabata e famoso BOURBON STREET, na unda e integrantenan di D2U 365 a logra di promove nos isla turistico grandiosamente cu e petje di Aruba, na unda nan a ser reconoce despues di nan presentacionnan y tambe via varios canalnan di television cu a pasa algun parti di nan tremendo presentacion.

Tambe varios di e integrantenan a ser aserca pa entrevistanan dilanti e camaranan cu tabata cubriendo e fabuloso ambiente di Super Bowl cu tabata reina den Bourbon Street, cual entrenan tabata e famoso canal di deporte E.S.P.N. y FOX TV.

DEN AMBIENTE cu tabatin e honor pa acompaña D2U 365 riba nan propio invitacion, tabata testigo di tur nan cuater exitoso presentacion. E prome presentacion tabata den e luhoso Hyatt Hotel cu ta situa enfrente di e Super Dome na unda e gran final di Super Bowl a tuma lugar. E presentacion aki tabata exclusivamente pa e batayan di periodistanan cu tabata presente pa cubri e magno Super Bowl. Na prome instante a staciona D2U 365 net na entrada di e ballroom, pa asina ricibi e periodistanan cu un caluroso bon bini bao di e

ritimo contagioso di ASEMBEHO. E ritmo aki a dal e periodistanan al instante, cu a pone tambe cu e entrada pa e ballroom a ser bloquea. Gerencia di Hyatt Hotel a tuma nota di esaki y a duna orde na e cuerpo di seguridad pa stop e presentacion di D2U 365.

D2U 365 mirando tambe e acohida grandi a sigui complace cu e multitud cu a dura casi dos ora largo. Na final e multitud a keda asina satisfecho y impresiona cu nan a demostra esaki cu aplauso y gritonan. E aplauso y gritonan aki a pone un alegria grandi den e integrantenan di



E organizadornan di e "Jam Party" pa e periodistanan cu tabata e propio staff di e canal di television FOX, a logra pa pone D2U 365 como e unico agrupacion entre e variosnan pa entretene e periodistanan riba e plein di Super Dome cu ta net na e entrada di Hyatt Hotel. Aki D2U 365 tabatin un tarea sumamente dificil pa cumpli, ya cu nan mester a atrae e miles di periodistanan cu tabata den e ballroom. Na momento cu D2U 365 cuminsa resona nan repertorio musical, esaki a causa un impacto asina grandi cu diripiente di tur skina e periodistanan a basha bin riba e plein. Tabata un momento sigur di satisfaccion pa mira e diferente canalnan di television ta grabando e espectacular di D2U 365. Aki nan riba e demanda di e publico cu tabata baila sin fin y tabata existi pa ripiticion constantemente,

D2U 365, kendenan a keda cu un bunita experiencia.

E siguiente presentacion tabata pa e periodistanan internacional, cu tambe a resulta den un otro exito. Esaki a ser transmiti envivo pa e ciudad di New Orleans via FOX. Akinan D2U 365 tabata programa pa un solo presentacion, pero mirando e acohida grandi di nan prome actuacion, nan a ser pidi pa clausura e evento, cual tambe a resulta den un broche di oro. Na final di e clausura aki, integrantenan di D2U 365 a ricibi e grato noticia for di e representante di e organizacion NFL cu D2U 365 a causa un impacto asina grandi, cu tur hende ta papiando cosnan bon so. E noticia mas agradable cu e representante aki a expresa, ta cu tin interes grandi di parti di e comerciantenan pa contracta D2U 365 pa e famoso celebracion

DEN AMBIENTE

FOTOS Y SKIRBI PA: POETS.

di carnaval MARDI GRASS.

E acohida di D2U 365 tabata asina grandi na New Orleans, cu nan a dicidi di pone D2U 365 riba un truck y asina deleita henter centro di ciudad cu nos ritmo di asembeho. Despues D2U 365 a ser pidi pa toca pa e fanaticada di e team football PATRIOTS, cu

Super Dome. Sinembargo nan ta sumamente satisfecho di a representa Aruba debidamente durante e celebracionnan di SUPER BOWL.

DEN AMBIENTE ta felicita D2U 365 pa e gran logro aki y ta spera cu e viahe pa New Orleans otro aña lo ta un realidad, na unda nan lo tey

ta e team cu a enfrente e campeonnan PACKERS. Via Zeppelin e evento aki tabata ser graba.

Tur cos tabata bayendo perfecto te na momento cu diadomingo mainta durante un reunion directiva a haya e informacion cu NFL a cancela e extravaganza parade. E parada aki D2U 365 mester a habri y consecuentemente toca den e Super Dome. E motibonan cu a cancela e parada aki, DEN AMBIENTE por a compronde cu ta debi na entre otro: e accidente caminda un dama a fayece durante ensayo den e Super Dome y medidanan di seguridad impone pa CIA y FBI. Esaki pa evita cualkier atentado di terorista den e Super Dome.

E noticia aki a cay manera un BOM pa e integrantenan, kendenan tabata sumamente entusiasmo pa toca den e

un biaha mas, pero e biaha aki den e famoso celebracion di carnaval MARDI GRASS.

Durante e viahe aki tambe a acompaña D2U 365 e dinamico comerciante Eugenito Lacle di Pueblo Foodcenter cu ta e patronicador oficial di D2U 365. Cu presencia di Eugenito Lacle esaki sigur tabata un gran apoyo pa D2U 365.

Palabranan di elogio y gratitud ta bay pa Carlyle de Coteau, Mike Keiffer, Ottmar Oduber, Roy Kip y "last but not least" Minister Tico Croes, kende a deposita su confianza den D2U 365 y cu awe sigur su Excelencia Minister di Turismo y Economia por ta sumamente orguyoso di e importantissimo promocion cu e indiscutible D2U 365 BRASSBAND a logra pa nos dushi isla turistico ARUBA...

DEN AMBIENTE

FOTOS Y SKIRBI PA: POETS.

D2U 365 TABATA UN DIGNO REPRESENTANTE PA ARUBA NA NEW ORLEANS..



**** Nos colega Oscar Vidal tambe a hasi un impacto cu su base drum y aki por mira e camaraman di FOX TV ta focus riba Oscar Vidal y su base drum..**



**** Esaki tabata e delegacion cu a asisti D2U 365 na New Orleans, Carlyle de Coteau, Delo Gomez, Otmar Oduber, Mike Skeiffer kendenan nos por aprecia den compania di Reimbirth "Pili" Croes di e directiva di D2U 365..**



**** Aki por aprecia un multitud grandioso ta acompaño D2U 365 durante nan presentacion pa e team di PARIOTS cual a tuma lugar den pleno centro di New Orleans..**



**** D2U 365 a hospeda den un camping place, na unda nan mes mester a cushina nan cuminda. Aki por mira cheff Alex Luidens ta controla su dos kokienan Chirino y Vale, mientras cu Derrick ta hule si tur cos ta na orde..**



**** E seccion di brass tambe a causa furor cu nan show espectacular. Aki por mira e tremendo trombonista Steve Gibs di lomba, kende a "steel the show" e anochi ey..**



**** Ottmar Oduber den un "sandwich jam" ala estilo "SHOW ME YOUR ASAMBEHO"...**



**** Aki por aprecia e camaraman di FOX TV grabando e presentacion di D2U 365. DEN AMBIENTE por a compronde cu e grabacion aki a ser pasa durante un programa special di Super Bowl..**

DEN AMBIENTE

FOTOS Y SKIRBI PA: POETS.

D2U 365 BRASSBAND PROMOViendo
ARUBA NA NEW ORLEANS DURANTE
SUPER BOWLS



..** Esaki ta un foto espontaneo cu DEN AMBIENTE a tuma na momento cu e parti di e seccion di brass, Alex Luidens, Milton Croes y Bobby Gibbs tabata den ensayo. Por mira claramente e seriedad y concentracion di nan ensayo..



..** Durante nan tempo liber, D2U 365 a probecha di realiza nan ensayo den un forma extensivo, pa asina representa ARUBA mas mihor cu ta posibel na New Orleans..



..** Un publico grandi consisti di periodistanan internacional gozando sin fin riba e ritmo contagioso di D2U 365..



..** D2U 365 dilanti e famoso New Orleans Centre di Hyatt Hotel, na unda nan a representa Aruba dignamente..



..** Akinan ta na unda D2U 365 a presenta pa e periodistanan internacional, cual a ser transmiti envivo pa FOX T.V..



..** Aki por aprecia D2U 365 tocando den truck cu a hibanan den tur skina di e famoso centro di New Orleans..



..** Integrantenan di D2U 365 ta pose dilanti e mahestuoso SUPER DOME, na unda nan a presenta pa e canal di television FOX..